



00020

劔南詩彙目錄

卷第六十五

稽山行 贈論命周雲秀才

寬 唐虞 幽事絕句 六首 寄題廬陵王

晉輔先輩桂堂 寄題王晉輔專春堂

鼠屢敗吾書偶得狸奴捕殺無虛日羣鼠

幾空為賦此詩 讀唐書忠義傳 病後

作 山中 夜息 晨起 老態 二首 枕

劔南詩彙

卷六五日

汲古閣

上 贈過門道人 道院雜興 四首 山村

經行因施藥 五首 歎老 卽事 二首 自賀

天氣作雪戲作 家風 十二月二日

夜夢遊沈氏園亭 二首 江干 獨行過柳

橋而歸 戲遣老懷 五首 對鏡 晨起

吾年過八十二 二首 述志 二首 排悶 舟中

作 丙寅元日 新晴 新歲 簡邢德

允 簡蘇邵叟 東村 新曆歎 雪中



首二 早春出遊首二 東籬首三 村市醉歸

村夜 旅思 對酒作 遊東村 晨

起 夢中作 春雨首四 村店 久雨薪

炭食飲俱不繼戲作 溪上 謝君寄一

犁春雨圖求詩為作絕句首二 二月一日

夜夢 新晴首二 望永思陵 燈下小酌

春遊首二 春日雜賦首五 悲歌行 梅

市莫歸三山 龜堂偶題首二 泛湖

劔南詩橐 卷六五目 汲古閣

劔南詩橐目錄 卷六 五終 東廬 林市

劔南詩橐卷第六十五

稽山行

稽山何巍巍浙江水湯湯千里亘大野勾踐之
所荒春雨桑柘綠秋風秔稻香村村作蟹蝦處
處起魚梁陂放萬頭鴨園覆千畦薑春碓聲如
雷私債逾官倉禹廟爭奉牲蘭亭共流觴空巷
看競渡倒社觀戲場項里楊梅熟采摘日夜忙
翠籃滿山路不數荔枝筐星馳入侯家那憺黃

劔南詩橐

卷之六五

汲古閣

金償湘湖蓴菜出賣者環三鄉何以共烹煮鱸
魚三尺長芳鮮初上市羊酪何足當鏡湖滂衆
水自漢無旱蝗重樓與曲檻瀲灩浮湖光舟行
以當車小繖遮新粧淺坊小陌間深夜理絲簧
我老述此詩妄繼古樂章恨無季札聽大國風
泱泱

贈論命周雲秀才

周郎頎然市中隱精神卓犖秋天隼忽來過我

論五行袖出詩卷如束筍人生一息不自保況
我耄期真待盡君今盛爲談未來我亦聽之俱
可駮雖然此心猶未泯何至死去同蠢蠢地下
不作修文郎天上亦爲京兆尹

自嘲

受福元無一羽輕豈知造物假餘生抱病不死
躋高壽遇亂能全見太平投渚斷鴻常自閔營
巢倦鵲固難成藥除亦有堪慙處記誦文辭誤
劍南詩彙

卷之六五

汲古閣

得名

自寬

兀兀空坐靜掩扉篝爐香細著秋衣簷頭殘雨
晴猶滴欄角羈雲晚未歸支枕口和心笑語挑
燈形與影相依卷書未覺唐虞遠知我何妨舉
世稀

唐虞

唐虞雖遠愈巍巍孔氏如天孰得違大道豈容

私學裂專門常怪世儒非少林尚忌隨人轉老
氏亦尊知我稀能盡此心方有得勿持糟粕議
精微

幽事絕句

死生歸有命榮悴出無心苔井閑磨劔松窗自
斲琴

又

矮紙來吳下長毫出宛陵自書霜夜句持寄劔
劔南詩橐

卷之六五
三

汲古閣

中僧

又

昨夕風掀屋今朝雨壞牆雖知炊米盡不廢野
歌長

又

煙畦朝斲藥雪澗夜淘丹仄徑何曾嶮單袍不
覺寒

又

新傳服氣訣舊喜步虛吟兒女不難棄雲山何處深

又

客生聞吠犬草茂有鳴蛙日昃方炊飯秋深始采茶

寄題廬陵王晉輔先輩桂堂

楚人記草木桂在椒蘭中我懷小山句妙絕窮
化工唐人作山水亦以桂配松丹葩間綠葉錦
劔南詩藁

卷之六五
四

汲古閣

繡相疊重不知始何時巖桂開秋風楚人所稱
者委棄等蒿蓬嗚呼各有時士豈怨不逢我作

桂堂詩廣子雲夢胸

寄題王晉輔專春堂

堂前皆
種牡丹

三月風光不貸人千紅百紫已成塵牡丹底事
開偏晚本自無心獨占春

鼠屢敗吾書偶得狸奴捕殺無虛日羣鼠
幾空爲賦此詩

服役無人自炷香
狸奴乃肯伴禪房
晝眠共藉床敷
暝夜坐同聞漏鼓
長賈勇遂能空鼠穴
策勛何止履胡腸
魚飧雖薄真無媿
不向花間捕

蝶忙

道士李勝之画捕蝶獅猫以訛當世

讀唐書忠義傳

志士慕古人忠臣挺奇節
就死有處所天日爲無色
大義孰不知臨難欠健決
我思杲卿髮可

配嵇紹血

劔南詩藁

卷之六十五

汲古閣

病後作

骨相坐一寒仕宦經百謫
晚入文昌省又坐煩言噴
詔書復收召付以大典冊
期年甫奏篇皇恐亟自劾
歸來稽山下三食新穫麥
草屨布裙襦徒步老阡陌
今年疾屢作况若將歸客
道士言犯土拜章安舍宅
巫言神去幹翦紙招魂魄
把臂忽自悟此豈屋漏脉
盡去囊中藥默觀鼻端白
正氣徐自還鬼子何足磔

山中

草閣畱雲宿溪橋引鶴行身閑詩曠逸心靜夢
和平石乳無時滴松肪徹夜明山中足幽趣不
是傲公卿

夜思

風埽浮雲作快晴窗聲終夜雜簾聲月明滿院
鵲驚起霜冷壓栖雞嬾鳴名字虛稱舊朝士門
庭元是老書生尚餘一事猶堪喜北陌東阡醉
劔南詩豪

卷之六五
六

汲古閣

太平

晨起

晨起梳頭雪滿膺可憐衰與病相藥浮名何足
欺橫目真樂聊須付曲肱仕有俸錢渠亦好退
無耕隴我何憑具牛力盡殊堪閔買犢東村恨
未能

老態

破榼愁春近空園畏日長頭風便菊枕足痺倚

藜床冉冉殘年逼悠悠萬事忘有兒堪晤語無
客亦何妨

又

寡欲貧何損無才老更宜挂牆多漢刻插架半
唐詩飯已頻摩腹兒來暫解頤尚悲吳蜀遠未
免故人思

謂張季長

枕上

夜雨一再作燈前獨詠詩影看孤鶴瘦吟荅斷
劔南詩橐

卷之六五
七

汲古閣

蛩悲幽夢悠然覺清笳何足吹殘年猶幾日已
矣媿明時

贈過門道人

朝行市塵中奔馬不可及算涉清溪流芒屨了
不溼巖扉一丹竈山路兩書笈白驢可置掌童
子亦絕粒邂逅安期生電逝不暇揖太華獨崑
然萬仞道傍立

道院雜興

江上霜風吹角中東歸不獨爲吳尊掃除長劍
華纓夢收拾孤颿短棹身勾漏丹砂開竈晚商
顏芝草滿山春東封敢擬迎蠻仗且作行歌陌
上人

又

征途暗盡舊貂裘歸臥林間喜自由體倦尙憑
書引睡心安不假酒攻愁丹爐弄火經年熟竹
院聽琴竟日畱今且理髯還一笑白間時有黑
劔南詩藁

卷之六五
八

汲古閣

絲抽

又

早歲知聞久已空踴然猶有灞城翁東樓誰記
傾春碧

敘州蓋古戎州也有東樓厨醜
本名重碧范至能易爲春碧

北嶺空

思擘晚紅

北嶺在福州予少時與友人朱景參
會嶺下僧舍時秋晚荔子獨晚紅在

冉冉流年霜鬢外纍纍荒塚綠蕪中琳房何日

金丹熟老鶴猶堪萬里風

又

龜堂有叟富神通白髮何妨兩頰紅先取山川
來掌上却移天地入壺中鬢花不老非塵世風
月常新奪化工近作東籬君未見一尊少住莫
恩恩

山村經行因施藥

閑行偶復到山村父老遮畱其一尊曩日見公
孫未睟如今已解牧雞豚

又

劔南詩藁

卷之六五
九

汲古閣

耕傭蠶婦笑欣然得見先生定有年埽灑門庭
拂床几瓦盆盛酒薦豚肩

又

兒扶一老候溪邊來告頭風久未痊不用更求
芎芷輩吾詩讀罷自醒然

又

驢肩每帶藥囊行村巷歡欣夾道迎笑說向來
曾活我生兒多以陸爲名

又

逆旅人家近野橋
因秣蹇暫消搖
村翁不解讀本草
爭就先生辨藥苗

歎老

身歷遭回事萬端
天教林下養衰殘
文編似是他人作
書卷如曾隔世觀
久已悠悠置恩怨
況能一一記悲懽
牀頭周易真良藥
不是書生強自寬

劔南詩藁

卷之六五
十

汲古閣

卽事

秃尾驢嘶小市門
側蓬帆過古城村
此生感慨如何限
斗酒新豐不足論

又

草衣木食更何求
穴處巢居過卽休
尙恨未能全省事
一竿風月釣滄洲

自賀

胎髮茸茸綠映巾
歸耕猶是太平民
流觴內史

招同社扛鼎將軍與卜鄰

弊居去蘭亭項里皆甚邇

曾冠六

驚非俗吏已開九秩是陳人一盃剗約梅花醉
又見開禧第二春

天氣作雪戲作

八十又過二與人風馬牛深知老當逸孰謂死
方休細衲兜羅襪奇溫吉貝裘閉門薪炭足雪
夜可無憂

家風

劔南詩藁

卷之六五十一

汲古閣

春耕秋釣舊家風門巷荒寒屋壁空四海交情
殘夢裏一生成心事斷編中買魚日待攜籃女裹
藥時從挾麓翁

俗謂買藥為裹藥

便廢閑吟亦未可吾

徒豈獨坐詩窮

十二月二日夜夢遊沈氏園亭

路近城南已怕行沈家園裏更傷情香穿客袖
梅花在綠籬寺橋春水生

又

城南小陌又逢春，只見梅花不見人。
玉骨久成泉下土，墨痕猶鎖壁間塵。

江干

霜晴忽念到江干，小蹇羸童路已乾。
骨相豈能當富貴，鬢毛聊喜耐悲歡。
客途冬暝衣裘薄，村市年豐酒醖寬。
殘臘卽今無十日，剡求芹蓼助春盤。

獨行過柳橋而歸

劔南詩藁

卷之六五
十一

汲古閣

寒雲覆江干，慘慘雪欲作。
草枯狐兔見，鷹隼方縱搏。
老翁臥蓬戶，疾痛在腰脚。
忽覺意稍佳，快若解束縛。
呼童扶下堂，西出度略約。
浮波見鳧雁，決起驚鳥鵲。
籬根犬迎吠，碓下雞俛啄。
霜餘桑葉積，春近柳枝弱。
徐行過傍舍，醉笑盛醅酌。
歲暮農事休，羨爾羣飲樂。

戲遣老懷

平生碌碌本無奇，況是年垂九十時。
阿囷略如

郎罷老穉孫能伴太翁嬉花前騎竹強名馬階
下埋盆便作池一笑不妨閑過日歎衰憂死却
成癡

又

清羸正怯倚闌干紗帽還驚半指寬日漏雲端
纔欲暝風催梅信又成寒尋僧竹院逢茶熟引
鶴溪橋及雪殘只道捐書差似達庖丁數紙尙
須看

劔南詩藁

卷之六五
十二

汲古閣

又

兒時萬死避胡兵敢料時清畢此生已迫九齡
身愈健熟觀萬卷眼猶明深深小塢梅初動漱
漱清溪水欲平安得飄然從此逝緱山風月聽
吹笙

又

舊襲家風號散人晚承恩詔賜閑身放狂泥酒
都忘老厚價收書不似貧霜曉方驚羣木脫春

晴又喜一花新先生偶出人難遇陌上爭先看
角中

又
本意歸來老故丘閉門飯足尙何求閑雲一片
自舒卷幽鳥數聲相應詵但得有書時到眼正
令無酒亦忘憂東籬偏仄纔尋丈已敵征西萬
戶侯

對鏡

劔南詩藁

卷之六五
十四

汲古閣

歲月雖遄邁形容未苦癯髮如新沐潤顏似半
酣朱書讀常終卷山行亦却扶悠悠隨日過不
復歎頭顱

晨起

客枕畏霜氣曉窗收月痕芸芸萬物作皎皎一
心存老已忘開卷貧猶力灌園兒孫能繼此亦
足報君恩

吾年過八十

吾年過八十久已棄朝簪化蝶有殘夢焦桐無
賞音溪聲喧夜旦野色變晴陰欲講平生學茫
然不可尋

又

八十又過二自言名放翁斧斤遺壽櫟雲海寄
冥鴻酒挂驢鞍側詩投藥笈中灞城逢薊叟共
語莫匆匆

述志

劔南詩藁

卷之六五
十五

汲古閣

椎牛釃酒千人帳破浪凌風萬斛船常恨書生
無此快一生低首短檠前

又

新豐買酒慰無聊衝雪騎驢上灞橋羸老尙堪
吞獅子松風何至羨山苗

排悶

吹盡梅花了不知化工也誤老人期離離新草
隨愁出漠漠餘寒與睡宜古錦一聯吟舊句文

楸數著理殘棊波生澄澗君何怪禪榻從來映鬢絲

舟中作

林麓重重霧雨昏扁舟晚過郡南門鑄金越相遺祠古執玉塗山王氣存官道蒼茫多水驛客遊飄泊厭風飡剡中此去無多地會約支公聽斷猿

丙寅元日

劍南詩藁

卷之六五
十六

汲古閣

縹緲初聞寺閣鐘霏微零雨兆年豐蒙家椒酒歡聲裏戶戶桃符霽色中春枕方濃從賣困社醅雖美倦治輦從今萬事俱拋擲且作人間百歲翁

新晴

夜雨空堦滴到明山雲忽斂作新晴門前月淡有檐影牆外泥乾無屐聲與世日疎愁易遣入春得暎疾差平便當劔作滄洲趣寄語沙鷗勿

敗盟

新歲

改歲鍾馗在依然舊綠襦老庖供餽飪跣婢暎
層蘇載糗送窮鬼扶箕迎紫姑兒童欺老瞶明
燭聚呼盧

簡邢德允

邢子襟靈舊絕塵爾來句法更清新淡交喜得
山栖友傑作疑非火食人豈但僕奴看屈子直
劔南詩橐

卷之六五
十七

汲古閣

須塗改到生民與君兩世交情厚剩欲燈前對
角巾

簡蘇邵叟

君家文獻歷十朝魏公峩冕加金貂孫支得君
愈雋發貴名突兀凌煙霄居吳入蜀三十載諸
公孰能折簡招澗松意氣極磊砢天馬毛骨何
超遙鼎來行卷十九首緱山明月聞吹簫沉香
亭畔未須說想見風雪上灞橋老夫誦之羣玉

府學士如堵不敢驕爾來一編愈妙絕粲若新
霽瞻斗杓出爲龍首子何有老穿豹尾我亦聊
湖邊酒樓無十步胸次懣懣息同澆

東村

信脚村墟路歸來日未西波清魚隊密風小鵲
巢低白水初平岸青蕪亦徧犁市壚多美酒飲
具不須齋

新曆歎

劔南詩藁

卷之六五
十八

汲古閣

新曆在手心怕開日月聯翩相續來黃金散盡
自一快白髮不貸真可哀無爲健羨廣成子千
二百年終有死膠不可黏西去日刀何由翦東
流水酒無醇醪但痛飲市醞上尊俱醉耳堂堂
七尺死卽休不飽烏鳶飽螻螿

雪中

忽忽悲窮處悠悠感歲華算雲如潑墨春雪不
成花眼澀燈生暈詩成字半斜殘尊已傾盡試

起問東家

又

春晝雪如筵清羸病起時跡深驚虎過煙絕閔
僧飢地凍萱芽短林寒鳥哢遲西窗斜日晚呵
手歛殘棊

早春出遊

微雲薄靄新晴後小蓋輕輿古道遙林杪幽禽
初學囀牆陰凍雪未全消酒壚日暮收青旆市

劍南詩藁

卷之六五
十九

汲古閣

步人歸擁畫橈欹帽捫髯常半醉逢人誰與話
無膠

又

人生何適不難難賴是胸中萬斛寬尺宅常朱
那待酒上池頻飲自成丹楚祠花發呼舟去禹
穴雲生倚杖看更有新春堪喜事一村簫鼓祭

蠶官

東籬

東籬深僻嬾衣裳書卷縱橫雜藥囊無吏徵租
終日睡得錢沽酒一春狂新營茅舍軒窗靜旋
煮山蔬七筋香戲集句圖書素壁本來無事却
成忙

又

漫道深居書掩關東籬栽接不曾閑每因清夢
遊敷水自覺前身隱華山花發時時攜綠酒客
來往往羨朱顏藥爐安著猶無地擬展茅茨一
劔南詩藁

卷之六五

二十

汲古閣

兩間

又

東偏隙地作疎籬遇興無非一笑時陪客投壺
新罰酒與兒鬪草又輸詩山桃溪杏栽俱活藥
鑿魚竿動自隨家事猶令罷關白固應黜陟不
曾知

村市醉歸

明時乞得水雲身白首扶衰又見春橫木門幽

謝來客獨轅車小避行人湘湖水長蕤絲滑蘭
渚泥融箭茁新處處酒壚皆可醉不辭微雨墊
吾巾

村夜

入春雨雪無休日雨止猶陰未快晴萬竅怒號
風不定半輪斜照月微明百年辛苦農桑業五
處睽離父子情但得平安已爲幸孤燈殘火過

三更

時子虞調官行在子龍阻風西陵子修
在闡子坦在海昌子與子布子適守舍

劔南詩藁

卷之六五
二十一

汲古閣

旅思

百病集殘骸閑遊且散懷旅裝如遠役蔬食似
長齋買藥停山步求醫過縣街春寒殊未已閉
戶夜燃藍

對酒作

憑閣風吹帽穿林雨墊巾相呼十日飲不負百
年身陌上金羈馬墳前石琢麟於吾竟何有笑

殺武陵人

遊東村

露草衡門曉風松一塢幽新春有佳日老子得
閑遊鷗爲忘機下魚緣得計浮歸途無遠近一
葉亂漁舟

晨起

老境真無事深居每畏人喔咿雞失旦姪姪烏
鳴春過擔餽餽白擎盤粗枚新出門還可喜一
笑語比鄰

劔南詩豪

卷之六五
二十二

汲古閣

夢中作

世事何由可控搏故山歸臥有餘歡澗泉見底
藥根瘦石室生雲丹竈寒人遠忽聞清獻起山
開頻得異書看一朝出赴安期約萬里煙霄駕
紫鸞

春雨

片片紅梅落纖纖綠草生無端夜來雨又礙出

門行

又

春陰易成雨客病不禁寒又與梅花別無因一倚欄

又

胸懷阮步兵詩句謝宣城今夕俱參透焚香聽雨聲

又

疎點空階雨長明古殿燈廬山岑寂夜我是定
劔南詩豪

卷之六五
二十二

汲古閣

中僧

村店

水汎輕搖檝山行穩跨驢朝晡半晴雨閭里雜
樵漁野鶩浮寒浦飢鴉集老樗店家看壞壁忽
見笮年書

久雨薪炭食飲俱不繼戲作

澤國春饒雨書生老益貧固難誇練炭亦豈擇
勞薪鹽盡纔僕莫醯微尚惱鄰人嗤信書誤癡

絕望常珍

溪上

偶就澄溪照幅巾
蘭亭遺韻想清真
功名不入山林夢
詩酒猶關老病身
萬事只增思魯歎
百年常媿避秦人
超然聊喜高情在
手挈長條貫細鱗

謝君寄一犁春雨圖求詩爲作絕句

說著功名我自羞
喜君解劔換吳牛
莫將江上

劔南詩豪

卷之六五
二十四

汲古閣

一犁雨輕博人間萬戶侯

又

老農雖瘠喜牛肥
回首紅塵萬事非
耕罷春蕪天欲暮
小舟衝雨載犁歸

二月一日夜夢

夢裏遇奇士
高樓酣且歌
霸圖輕管樂
王道探丘軻
大指如符券
微瑕互琢磨
相知殊恨晚
所得不勝多
勝算觀天定
精忠壓虜和
真當起莘

渭何止復關河陣法參奇正戎旃相蕩摩覺來
空雨泣壯志已蹉跎

新晴

寂寂房櫳鳥雀聲熏籠茶竈正施行繁花滿樹
春纔半斜日穿雲雨乍晴引睡書橫猶在架圍
棋客散但空枰病懷莫道傷幽獨小榼芳醪手
自傾

又

劔南詩藁

卷之六五
二十五

汲古閣

挂冠湖上遂吾初捫腹消搖適有餘羨煮野蔬
元足味屋茨生草亦安居市壚分熟通賒酒鄰
舍情深許借驢更喜新晴滿窗日籤題重整一
牀書

望永思陵

高帝中興萬物春青衫曾忝綴廷紳仕爲將相
却常事年及耄期能幾人早幸執笏觀北伐晚
叨秉筆記東巡歸畊況復蒼梧近鬱鬱葱蔥佳

氣新紹興末駕幸金陵游適在朝列淳熙未上命羣臣齊集文華閣修高宗實錄游首被

燈下小酌

江湖雙鬢禿宇宙一身窮
酒浪搖輕碧燈花落
碎紅交情元易見
春事半成空
尚覲身強健
煙畦擷芥菘

春遊

杏花天氣喜新晴
白首書生樂太平
小陌鞦韆

劔南詩藁

卷之六五
二十六

汲古閣

雖隔世名園
袂尚關情
山林自古流觴地
絃管誰家送酒聲
莼菜鱖魚初滿市
莫將羊酪敵南烹

文

窮愁終日竟胡爲
老健人間自一奇
每駕柴車

遊古寺間騎竹馬
伴羣兒登臨蘭渚
流觴地

蘭亭

本名蘭渚
蕭散狐泉冷
麤時練布單衣
白羽扇路傍

人總道相宜

春日雜賦

羈懷病息正厭厭詩卷漁竿信手拈老境何嘗
忘一笑春風也解到窮閭殘花滿地無餘萼新
筍掀泥已露尖轉老轉窮君勿笑熊蹯魚腹豈
容兼

又

鬢毛八九已成霜此際逢春只自傷苦雨不容
花抵敵餘寒猶賴酒禁當退紅衣焙熏香冷古
劔南詩臺

卷之六五
二十七

汲古閣

錦詩囊覓句忙堪笑散人閑事業西窗容易又

斜陽

唐樂府云床上小
熏籠韶州新退紅

又

江湖放浪水雲人藥物枝梧夢幻身移竹南窗
初試筍埽花北陌旋成塵窮忙自笑常終日老
健猶能不負春未遂初心惟一事乞薪賒米惱

吾鄰

又

乞得身歸剡曲邊
衡門茅舍共蕭然
向來誤計守書冊
此日遣愁無酒錢
俗客妬閑來
袞袞流年欺老去
翩翩梨花楊柳清
明過且向江村剩放顛

又

人生覓飯元多術
最下方爲祿代耕
脫却朝衫猶老健
快如苦雨得春晴
鳥聲頻喚兀更夢
花氣頓醒三日醒
最喜晨興聞剝啄
吾兒書札到

劔南詩藁

卷之六五
二十八

汲古閣

柴荆

悲歌行

讀書不能遂吾志
屬文不能盡吾才
遠遊方樂歸太早
大藥未就老已催
結廬城南十里近
柴門正對湖山開
有時野行桑下宿
亦或慟哭中途回
檀公畫計三十六
不如一篇歸去來
紫駝之峰玄熊掌
不如飯豆羹芋魁
腰間纍纍六相印
不如高臥鼻息轟
春雷安得寶瑟五十弦
爲

我寫盡無窮哀

梅市莫歸三山

曰曰蠻童佩一壺壺乾時亦復村酤橫林露槍
遠猶見暮靄籠山淡欲無綠浦例憑菰作界画
撓常遣鷺前驅此身元是滄浪客敢學高人乞
鏡湖

龜堂偶題

文章何物求渠力詩亦安能使汝窮春水一池

劔南詩藁

卷之六五
二十九

汲古閣

花百本此生未易報天公

又

細肋臥沙來左輔巨螯斫雪出東吳不知一飽
摩便腹得似茅檐齋糝無

泛湖

白鷺雙飛導我前自疑身是水中仙放舟漢客
樵風裏擲釣秦皇酒瓮邊山寺雲間傳講鼓漁
家浦口起炊煙箇中得意君知否買盡煙波不

用錢詩彙目錄

卷第六十六

園中作 寄題求志堂 贈過門道人

劔南詩彙

卷之六五
三十

汲古閣



白鷺雙飛導我前
自疑身是水中仙
放舟漢客
樵風裏
擲釣秦皇
酒瓮邊
山寺雲間傳
講鼓
漁
申
綏
口
起
炊
煙
箇
中
得
意
君
知
否
買
盡
煙
波
不

劔南詩彙目錄

卷第六十六

園中作
寄題求志堂
贈過門道人

春晚
二首
梨花
三首
農桑
四首
自嘲
春

晚
二首
出門戶
晨起
出遊
四首
曳杖

自詠
雜興
五首
雜感
六首
兩聲
書感

書意
讀唐書
雜題
四首
栽牡丹

夜聞姑惡
哭開孫
晚春東園作
二首

劔南詩彙

卷六六目

汲古閣

禽聲
秦皇酒瓮下垂釣偶賦
出遊歸

鞍上口占
閒詠
雨
立夏
孤寂

明日觀孤寂詩不覺大笑作長句自解

初夏出遊
三首
自詠
五更聞雨思季長

醉中作
溪園
初夏閒居
八首
子坦

今秋鹽官市征當滿作絕句寄之
子適

調官得永平錢監待次甚遠寄詩寬其意

蓋將與之偕行也
送韓立道守池州

野興

首四

東竺雜書

首十二

梅市

初夏

幽居

首四

泛舟至近村茅徐兩舍勞以尊

酒 再次前韻

題陳伯予主簿所藏秦

少游像

入梅

并序

北窗雨中作

戲書

觸目

四月二十八日作

首二

劔南詩豪

卷六六

汲古閣



劔南詩豪

劔南詩豪

劔南詩豪

劔南詩豪

劔南詩豪目錄

卷六十六終

劔南詩橐卷第六十六

園中作

疎籬圍中庭野水赴方塘
春雨路易乾徐步蹋
夕陽豔豔紅杏梢忽已占年光
我老來日短乃復不自量
接花待其成鄰里共笑狂
萬事孰能料社櫟老不僵
磊磊盤中果安知不獲嘗
作詩遣閑愁一笑無畱觴

寄題求志堂

劔南詩橐

卷之六

汲古閣

古人不輕出出則堯舜其君民
古人不輕隱隱則坐使風俗淳
孰知後世乃不然唐虞日遠如
飛煙異端欲出六籜上裔夷直
居中夏先窮居求志達行道儻
不塞責真負天士固不可苟富
貴顧亦豈可徒貧賤如其一念
有媿心寧不終身戴慙面老夫
少年鐵鑄硯欲窺聖門終未見
祝君勿恃來日長八九十年如掣電

贈過門道人

賣藥人間兩屨輕
飄然雲水不論程
曉經浦口亂流渡
夜宿山家藥月行

春晚

門巷蕭條老病侵
春晴方快又春陰
啄吞自笑如孤鶴
導引何妨効五禽
雨洗杏花紅欲盡
日烘楊柳綠初深
雛鷺寧有平生舊
也傍茆檐送好音

又

劍南詩藁

卷之六六
二

汲古閣

村巷泥深晝掩門
倚闌搔首一消魂
花經風雨人方惜
士在江湖道更尊
擘浪忽看魚對躍
入雲時見鶴孤鶩
向來莘渭今安在
歎息誰能起九原

梨花

開向春殘不恨遲
綠楊窳地最相宜
征西幕府煎茶地
一幅邊鸞畫折枝

宣司靜鎮堂屏
上有邊鸞梨花

又

粉淡香清自一家未容桃李占年華常思南鄭
清明路醉裏迎風雪一杖

又

嘉陵江色嫩如藍鳳集山光照馬銜楊柳梨花
迎客處至今時夢到城南

農桑

農事初興未苦忙且支漏屋補頽牆山歌高下
皆成調野水縱橫自入塘

劔南詩橐

卷之六六

汲古閣

又

水長人家浸稻秧蠶生女手摘桑黃差科未起
身無事鄰曲相過日正長

又

采桑蠶婦念蠶飢陌上忽忽負籠歸却羨鄰家
下湖早画舫青繖去如飛

又

蠶如黑螳稻青鍼夫婦畊桑各苦心但得老親

供養足不羞布袂與蒿簪

自嘲

野叟身常雜傭係第圃荒庭自鋤掃小兒畊養
董董足大兒游宦坐坐老朝餐未破百瓮壘晚
餉猶存兩困棗春粳但備翁作糜儲帛纔堪孫
裂祿賢愚元自一王尊癡鈍寧論萬馮道可憐
對客猶自矜談道能令君絕倒

春晚

劔南詩藁

卷之六六
四

汲古閣

寂寞又過桃李時東園微雨草離離破困食外
有餘粟殘髮白中生黑絲小疾已能忘藥石餘
年寧復問蒼龜飾巾待盡從來事閉戶燒香更
不疑

又

正見山陂草木芽狂風忽掃萬枝花病懷久已
忘春事老眼猶能憺物華枕上有詩頻自改尊
中無酒不妨賒管人漫道傷幽獨野鶴分巢卽

是家

閉戶

乞身林下養衰殘
閉戶寧容外物干
正使有爲終淡泊
未能無疾已輕安
寸陰息念如年永
丈室端居抵海寬
老子爾來深達此
却嫌兒女話團欒

晨起

初聽高枝鴨鳩鳴
旋聞深井轆轤聲
煙籠小閣劔南詩橐

卷之六六
五

汲古閣

猶疑雨日射東窗
頓作晴古洗注湯
供頰濯春畦摘菜助魚烹
老人頽惰雖堪笑
終勝胷中懷不平

出遊

九日陰霾一日晴
此行處處是丹青
斷雲零落江郊路
壽木輪囷古驛亭
籃婦微行望畊隴
漁歌相和起煙汀
拔山意氣今何在
猶有遺祠可

乞靈

路過頂羽廟

又

近過父老遠尋僧病起經行力漸增織室蹋機
鳴軋稻陂瀦水築登登淺深村落時分徑高
下川原自作層薄暮到家還熟睡隔林鐘鼓報
晨興

又

吳地清明未減寒梨花初動杏花殘平沙漫漫
人爭渡微雨蕭蕭客跨鞍野寺吹螺作春會山
劔南詩彙

卷之六六
六

汲古閣

郵糴米具朝餐已開九帙吾何覲時說金丹強
自寬

又

東阡南陌適逢晴小蹇輕裝短作程白水滿陂
秧馬躍綠陰遶舍緯車鳴過村小婦憑牆看入
寺高人攬袂迎剗倩東風吹柳絮放翁詩到此
時成

曳杖

曳杖寄徜徉徐行轉曲廊病知貪酒害老悔愛
花狂庭樹雲收影簾旌雨浥香悠然有佳處物
我兩相忘

自詠

曾著杞菊賦自名桑苧翁常開羅爵網不下釣
魚筒租稅先期畢陂塘與衆同士章八十字世

世寫屏風

予寫孝經士章八
十四字爲屏風

雜興

劔南詩藁

卷之六六
七

汲古閣

謀生在衣食不仕當作農識字讀農書豈不賢
雕蟲婦當娶農家養蠶事炊春晨耕候春扈夜
織驚秋蛩蛙蔬勝肉羹社酒如粥醲毋爲慕朝
幘諂笑求見容

又

家世本臞儒自奉至儉薄肉食固難期間亦闕
鹽酪賓朋飯芋豆時節羹藜藿偶然設鷄豚變
色相與作家居常守此自計豈不樂蔬園畏蹴

蹋切勿患大嚼

又

家本徙壽春遭亂建炎初南來避狂寇乃復遇
強胡于時髡兩髦幾不保頭顱亂定不敢歸三
載東陽居人事固難料今乃八十餘努力未死
間讀我先人書

又

讀詩讀七月治書治無逸玉業與農功事異理

劔南詩豪

卷之六六
八

汲古閣

則一此外復何爲齊民有遺術一飽不啻足切
勿爲利誅大屋起道傍百鬼闕其室曷不觀陸
翁食菜開九帙

又

三吳氣候異開歲固多雨今年已算春霽日僅
可數寒氣薄腠理沉痛結心膂遣奴買藥物日
夜事炮煑端居情懷惡欲出泥淖阻安得平生

歡駕言問良苦

雜感

病臥踐衰境躬舛故園怒蛙號廢沼妖鵬嘯
荒村里巷魚殮薄坊場黍酒渾相逢欲話舊意
極轉忘言

又

道進身垂老方靈病已侵知難逃死籍猶得遂
歸心星斗開孤劔塵埃拂素琴妄庸常袞袞誰
與論幽深

劔南詩藁

卷之六六
九

汲古閣

又

雨霽花無幾愁多酒不支淒涼數聲笛零亂一
枰碁蹈海言猶在移山志未衰何人知壯士擊
筑有餘悲

又

草徑纔容步茅廬僅庇床原貧道尊顯回天死
芬芳弦誦喧清曉鉏耨滿夕陽此風能不墜韋
布亦何傷

又

早仕讒銷骨遲歸悔噬臍短衣猶掩脛窮巷固

多泥婢喜蠶三幼

鄉中謂蠶
眼為幼

奴貪雨一犁衡茅

月我眼刮膜謝金篦

又

春晚晴還雨村深醉復醒溪添半篙綠山可一

窗青藥品隨長鏡花名記小屏閑身幸無事吟

嘯送餘齡

劔南詩豪

卷之六六
十

汲古閣

兩麀

吾園畜兩麀善驚未易馴及今纔幾時弭耳常

依人飢食園中草渴飲澗澗濱時時輟餘糧亦

未耗吾困吏或無佳政盜賊起齊民孰能撫以

德坐還三代醇

書感

疋馬曾為塞上遊東歸幾見剡川秋故城廢市

古今歎斷角殘鐘朝暮愁尺寸無功真碌碌耄

期未死轉悠悠阿奴尚喜強人意三日於菟氣

食牛

開孫以二月二十日拏碎盤

書意

萬事馬牛風蕭然破屋中忍貧增力量耐辱見
神通道進天魔散心安客疾空微言施魚鳥一
一脫池籠

讀唐書

力行可使金如土篤好能徠馬若龍斗米三錢

劔南詩藁

卷之六六十一

汲古閣

本常事風雲千載自難逢

雜題

貧中得味如飡蔗語下明心似到鄉對客欲談
渾忘却笑呼童子替燒香

又

半飽半飢窮境界知晴知雨病形骸軒昂似鶴
那求料枯槁如僧不赴齋

又

傳家只要存書種學道當知養聖胎寧使終身
遷比景莫令一物汗靈臺

又

大兒都門久栖栖小兒調官今復西鄰家父子
我所羨泥水沒膝扶畊犁

栽牡丹

攜鋤庭下斲蒼苔墨紫鞞紅手自栽老子龍鍾
逾八十死前猶見幾回開

劔南詩藁

卷之六六
十二

汲古閣

夜聞姑惡

學道當於萬事輕可憐力淺未忘情孤愁忽起
不可耐風雨溪頭姑惡聲

哭開孫

學步漸扶床藥車已駕羊虛稱砌臺使不遇玉
函方杳杳天難問茫茫夜正長寂寥誰伴汝蕭
寺閉空房

晚春東園作

雨餘木葉綠成陰一日身閑直萬金習氣自嫌
除未盡鳥啼花落尙關心

又

女郎花開春事闌王孫草長思婦歎蜂釀蜜脾
猶未熟雨催梅頰已微丹

禽聲

布穀布穀天未明架犂架犂人起畊宦途不似
農家樂東作西成過此生

劔南詩藁

卷之六十六
十三

汲古閣

秦皇酒瓮下垂釣偶賦

酒瓮山邊古釣磯沙鷗與我共斜暉目前雖有
小得喪天下豈無公是非滄海橫流何日定古
人復起欲誰歸道邊醉倒君奚憾豈失風塵一
布衣

出遊歸鞍上口占

渺渺煙波飛槳去迢迢桑野策驢還寄懷楚水
吳山外得意唐詩晉帖間每惜好春如我老誰

能長日伴人閑世間自是無兼得勛業元非造物慳

閑詠

本志常思退前緣剩得閑聽猿來剡縣采藥上稽山超絕風塵表瑩然冰雪顏向來香火地五綴羽衣班

雨

曉望橫斜映水亭暮看飄灑溼簾旌不嫌平野

劔南詩藁

卷之六十六
十四

汲古閣

蒼茫色實厭空堦點滴聲上策莫如常熟睡少安毋躁會當晴且將穡事傳童稚未插秧時正好畊

立夏

赤幟插城扉東君整駕歸泥新巢燕鬧花盡蜜蜂稀槐柳陰初密簾櫳暑尚微日斜湯沐罷熟練試單衣

孤寂

晚境諸兒少在傍書堂孤寂似僧房家居不減
旅懷惡夏夜尙如寒漏長數筇筍壘甘淡薄半
孟麥飯喜豐穰愚儒幸自元無事日課朱黃自
作忙

明日觀孤寂詩不覺大笑作長句自解

獨處將如長夜何直將寂寞養天和愛身不惰
如懷璧守氣無虧似塞河塵篋空存獲麟筆煙
陂嬾和飯牛歌年來勛業君知否燾下新降百
劔南詩橐

卷之六六
十五

汲古閣

萬魔

初夏出遊

早緣疎拙遂歸耕晚爲沉縣得養生藥鏡釣竿
緣已熟海村山市眼偏明安西萬里人何在廣
武千年恨未平但使蓮峰歸路穩亦無閑手揖

公卿

又

平生與世曠周旋惟有清遊意獨便小竈炊菰

山市口東芻秣蹇海雲邊春融恨欠舒長日秋
爽已悲搖落天首夏清和真妙語爲君誦此一
欣然

又

泥黥糝鞵雨墊巾閑遊又送一年春長歌聊對
聖賢酒羸病極知朝算人廢堞荒郊閑吊古朱
櫻青杏正嘗新桃源自愛山川美未必當時是
避秦

劔南詩藁

卷之六六
十六

汲古閣

自詠

龜屋栽小冠鹿皮製短裘陸駕少游車水泛淵
明舟山澤與城市有路即可遊或時一飯去間
亦旬日畱方見草木萌忽已天地秋淘丹雲澗
冷采藥乳穴幽逢人亦欣然有問乃不詘摩挲
金銅人千載寄悠悠

五更聞雨息季長

幽鼓鳴姑惡高樹號杜宇驚回千里夢聽此五

更雨展轉窗未明更覺心獨苦天涯懷故人安
得插兩羽

醉中作

小市鐘聲斷高樓月色新醉眠當大路狂舞屬
行人有客要元亮無妻諫伯倫山花信手插不
復惜烏巾

溪園

跌宕欲忘形溪園半醉醒靜看猿哺果閑愛鶴

劔南詩藁

卷之八
十七

汲古閣

梳翎矮榻水紋簾虛坐山字屏更須新月夜風
露對青冥

初夏閑居

雲液初筍小瓮香風漪乍展北窗涼巢乾燕乳
蟲供哺花過蜂閑蜜滿房閉戶不知春已去鈔
書但覺日方長所嗟詩思年來減虛負奚奴古

錦囊

又

川雲漠漠雨冥冥，濁酒閑傾不滿瓶。
蠶簇尚寒憂繭薄，稻陂初滿喜秧青。
王師護塞方屯甲，親詔憂民已放丁。
病起自憐猶健在，不須求應少微星。

又

松棚黯黯接虛堂，埽地燒香旋置床。
密葉畱花供淺酌，斷雲障日作微涼。
高城薄暮聞吹角，小市豐年有戲場。
白首史官閑盡歲，祇將搜句畱劔南詩藁。

卷之六十六
十八

汲古閣

流光

又

城上朱旗夏令初，溪頭綠水蘸菰蒲。
花貪結子無遺萼，燕接飛蟲正哺雛。
簫鼓賽蠶人盡醉，陂塘移稻客相呼。
鄉中謂備畊者爲客長安青蓋金羈馬也，有農家此樂無。

又

啜茗清風兩腋生，西窗雅具愜幽情。
熏衣過後

篝爐冷展卷終時嬾架橫巢燕何曾擇貧富鳴
鳩元不爲陰晴但能與物俱無著小草新詩取
次成

又

野水楓林久寄家慣將枯淡作生涯小樓有月
聽吹笛深院無風看磴茶靜岸葛巾穿薈蔚閑
拖筇杖入谿舂平居每與兒孫說切勿人前一

語誇

劍南詩彙

卷之六十八
十九

汲古閣

又

水邊茆屋兩三間野叟幽人日往還兩卷硬黃
書老子數峰破墨画廬山功名會上元須福生
死津頭正要頑試說龜堂得力處向來何啻半
生閑

又

煮酒青梅次第嘗啼鶯乳燕占年光蠶收戶戶
繅絲白麥熟村村搗麩香民有袴襦知歲樂寧

無桴鼓喜時康未嘗一事橫胸次但曲吾肱夢
自長

子坦今秋鹽官市征當滿作絕句寄之
八十老翁頭似雪柯橋送汝淚頻揮殘年豈料
猶強健却向柯橋接汝婦

子遙調官得永平錢監待次甚遠寄詩寬
其意蓋將與之偕行也

黃紙起家陞仕籍青衫遡闕拜恩光署銜汝勿
劔南詩橐

卷之二十六
二十一

汲古閣

憎銅臭就養吾方喜飯香世事極知多倚伏人
生正要小回翔但令父子常相守斂版扶犁味
總長

送韓立道守池州

千里江山控上流省郎懷綬去爲州才華故在
諸公右談笑遙分聖主憂月墮麗譙喧鼓角雨
餘綠野徧鋤耰萬家歌舞春風裏秋浦如今不

似秋

野興

寓館無常地輕裝不宿謀
迷途問畊叟過渡上漁舟
野飯香炊玉村醪滑瀉油
還家亦無事隨處送悠悠

又

小雨迎藜杖微風入葛巾
寧甘結襪系不作拜車塵
施藥鄉鄰喜忘機鳥雀馴
家山又初夏好在不自貲身

劔南詩藁

卷之六六
二十一

汲古閣

又

山豁逢孤寺林窮渡小澗
松聲亂僧梵雨點雜魚遊
阜蠹三軍帥金章萬戶侯
人生各有願未肯換扁舟

又

去去歷山村行行竝廟垣
湍流鱸魚小及徑鮓花繁
白鷺飛如導青蘿險可捫
歸途不寂寞迎

笑有諸孫

東壘雜書

吾廬雖甚陋窗扉亦疎明開卷冬日暝曲肱暑
風清昨日一鳥鳴今日一木榮欣然與之接悲
慨何由生

吾貧無時醒日月忽遄邁空林春采萑荒壠秋
種稗孤學有自來飢死奚足怪著書充棟宇一
字不肯賣

劔南詩藁

卷之六六

二十二

汲古閣

又

負負無可言上上不須說天壤大如許我獨身
子子苟合不可爲萬事聽瓦裂年登麥飯足得
酒且勤歡

又

有客可劇談有酒可盡醉老夫老更窮終日惟
坐睡旣無客款門酒亦未易致頽然北窗下兀

兀有餘味

又

下帷聽雨聲開戶延月色霏霏半篆香湛湛一
池墨徐行舒血脉危坐學踵息吾聞諸先賢養
生莫如嗇

又

門低不通車室隘劣容膝掩脛無全衣作字用
挫筆親朋孰可望門內自相恤一笑語吾兒汝
馭未須叱

劔南詩藁

卷之六六
二十二

汲古閣

又

區芋常願雨秧菜常願晴吾兒行渡江晨起愁
風生人生各徇私夫豈造物情孰能均此意萬
里皆春畊

又

吾居魚鱉鄉戒食兼鮮薹雞鶩以御客乃者亦
一掃區區仁愛心殆可質蒼昊物情豈遠哉我

亦吝肝腦

又
蓺花恨不茂薙草欲其盡心常墮貪愛否則近
殘忍蝶網猶翩翩蚓斷更菌蠢君其等觀之何
者非可閔

又

藥與疾相當何恙不能已良醫善用藥疾去藥
亦止晨晡節飲食勞佚時臥起藉白米長生耄
期直易爾

劔南詩彙

卷之六十六
二十四

汲古閣

又

養生有妙理省事與寡言于此能力守衆說皆
其藩擾擾斲汝本饒饒傷汝魂要當俱置之息
深踵自溫

又

學者學聖人斯須不容苟百年樂箏瓢千載仰
山斗家庭盛弦誦父子相師友但令書種存勿

媿畊龍畝

梅市

沙際人家半掩扉，僭炊小住不相違。
水生溪面大魚躍，風定草頭雙蝶飛。
竹院遊僧聞鼓集，煙畦老圃荷鋤歸。
浩然物外真堪樂，回首浮生萬事非。

初夏幽居

日長巷陌曬絲香，雨霽郊原割麥忙。
小擔過門嘗冷粉，微風解籜看新篁。
傍籬鄰婦收魚笱，叩劔南詩橐。

卷之六六
二十五

汲古閣

戶村醫送藥方，欲到湖邊還懶動。
悠然扶杖立斜陽。

又

虛堂一幅接羅巾，竹樹森疎夏令新。
瓶竭重招麴道士，牀空新聘竹夫人。
寒龜不食猶能壽，弊帚何施亦自珍。
枕簟北窗寧有厭，小山終日對嶙峋。

嶙峋

又

野草幽花無歇時一窗終日對東籬病猶獨醉
雖堪笑老未全衰亦自竒古紙硬黃臨晉帖矮
棧勻碧錄唐詩箇中疑是忘憂處問著山翁却
不知

又

東園梅熟杏初丹老子披襟每不冠古硯坡隴
麝煤綠小山蔥蒨石盆寒移床剝欲眠松塢鼓
榼還思泊蓼灘未用絲毫辨差等黃塵終勝客
劍南詩藁

卷之六六
二十六

汲古閣

長安

泛舟至近村茅徐兩舍勞以尊酒

小舸悠颺亦樂哉迢迢故取北村回山從樹外
參差出水自城陰曲折來樂歲莫忘東作苦殘
租不待急符催舊鄰父老睽離久喚取開顏把
一盃

再次前韻

少壯卽今安在哉輕舟訪舊莫輕回兒童擁岸

迎舟入婦女窺籬喜客來多難只成雙鬢改流
年更著算笳催放懷魚鳥平生事少住茅檐盡
此盃

題陳伯予主簿所藏秦少游像

晚生常恨不從公忽拜英姿繪画中
妄欲步趨端有意我名公字正相同

入梅

并序

吳俗以芒種後得壬日爲入梅今年正

劍南詩藁

卷之六六
二十七

汲古閣

以此日重雲蔽天比夜乃雨父老以爲
有年之候賦詩以識之

今年入梅日雲脚垂到地芬香小麥麩展轉北
窗睡甲夜聞雨聲起拜造物賜三登于此十一
飽可坐致語兒高爾困戒婦豐爾饋擊壤歌太
平門無督租吏

北窗雨中作

鬱蒸作不解風雨來有信豈惟窗戶清更喜草

木潤簡編旣陳前燈火亦可近跛予望聖賢傾
河洗驕吝扶衰幸未死吾道其少進安得平生
歡懷抱爲君盡

戲書觸目

貍奴閑占熏籠臥燕子橫穿翠徑飛我亦人間
好事者憑闌小立試單衣

四月二十八日作

四月欲盡五月初九十未及八十餘開口何曾

劔南詩藁

卷之六六
二十八

汲古閣

談世事收身且復愛吾廬

又

行徧人間病不禁鬢毛飽受雪霜侵茅檐一夜
蕭蕭雨洗盡平生幻妄心

劔南詩彙目錄

卷第六十七

倚筇 薄暑 晝寢 首二 睡起 首二 林間

書意 首二 示子適 追涼小酌 暑夜泛

舟 首二 短歌行 小江 歸興 首二 自春

來數夢至閬中蒼溪驛五月十四日又夢

作兩絕句記之 首二 自嘲 首二 雨霽 大

雨 社飲 采藥有感 觀邸報感懷

劔南詩彙

卷六七日

汲古閣

送子適至梅市而歸 述閒 幽居 午

暑 舟過道士莊 晨興 對酒 泛舟

地僻 東軒 季夏雜興 首四 夏夜暑

毒不少解起坐庭中 首二 素飯 老態自

遣 耒陽令曾君寄禾譜農器譜二書求

詩 雨夜 柴門 賽神 菖蒲 首二 迂

拙 夏夜 夏末野興 首二 示子孫 夜

雨 劇暑 六月十夜風月佳甚起坐中

庭有作 古井 菴中紀事用前輩韻

急雨 舍東追涼 酒藥 六月十七日

大暑殆不可過然去伏盡秋初皆不過數

日作此自遣 急雨遽涼 縱遊深山隨

所遇記之 四首 感中原舊事戲作 小涼

村居 城東 初秋露坐作短歌 池

上 秋稼漸登識喜 野渡用前韻 秋

後一日風雨 感事 久無客至戲作

劔南詩豪 卷六十七目 汲古閣

乍涼 閒趣 溪上 秋詞 三首 秋思

老學菴北窗雜書 七首 親舊見過多見賀

強健戲作此篇 小病兩日而愈 秋興

二首 日用 四首

劔南詩豪目錄 卷六十七終

劔南詩彙卷第六十七

倚筇

老翁愈老欲安歸，臥稽山飽蕨薇。未免解牛逢肯綮，豈能相馬造精微。靈山有士拈花笑，闕里何人鼓瑟希。我亦倚筇桑竹下，白髯蕭颯滿斜暉。

薄暑

仲夏暑尚薄，孤村日尤長。僧坊初施浴，行路亦

劔南詩彙

卷之六七

汲古閣

饋漿老我絕人事，終日坐虛堂。南北兩松棚，細細吹清香。堂中無長物，獨置湘竹床。我睡僕亦休，睡覺誰在傍。起坐拭兩眥，小山鬱蒼蒼。安得鳥有生，俱老無何鄉。

晝寢

倦腕擎書忽墮前，心清無夢腹便便。丹成未要排雲去，且住人間作睡仙。

又

困睫芒羊一欠伸頽然忽已墮紗巾鼻端雷動
君無怪路熟華胥不問津

睡起

睡起偃偃扇嬾搖枕痕著面未全消山丹石竹
俱零落孤蝶飛來伴寂寥

蒲萄換葉欲成陰歲月催人感慨深安得門前
無俗客岸巾臨水聽蟬吟

劔南詩藁

卷之六七
二

汲古閣

林間書意

三三兩兩市舩回水際柴門尚未開垂綠筍梢
風正惡弄黃梅子雨初來紅螺盃小傾花露紫
玉池深貯麝煤領取林間閑富貴向來誤計伴

鄒枚

又

小山草木一窗秋團扇江山萬里愁不讀狐書
眞辟學未登鬼籙且閑遊少隨官牒嗟無策晚

晚朝衫喜自由半嶺嘯聲驚阮籍要知天下有
高流

示子通

吾家太傅後衿佩盛青青我忝殿諸老汝能通
一經學先嚴誥訓書要講聲形夙夜常相勉諸
孫待典刑

追涼小酌

綠樹暗魚梁臨流追晚涼持盃屬江月散髮據
劔南詩橐

卷之六十七
三

汲古閣

胡床苦賣醢糝美菖蒲漬蜜香醉來呼稚子扶
我上南塘

暑夜泛舟

暑氣方然一鼎湯聃呼艇子夜追涼微風忽起
髮根冷闕月初升林影長漸近場中聞笑語却
從隄外看帆檣超然自適君知否身世從來付
兩忘

又

烈暑元知不可逃天將清夜付吾曹小舟行處
浦風急健鶻歸時山月高愚智極知均腐骨利
名何啻一秋毫等閑分得吳松水安用并州快
翦刀

短歌行

冠一兔不可以復冠門一杜不可以復開山林
兀兀但俟死臺省袞袞吁可哀巨材倒壑亦已
矣萬牛欲挽真難哉阿房銅人其重各千石回
劍南詩彙

卷之六七
四

汲古閣

首變化爲風埃吾曹浮脆不自悟乃欲冠劍常
崔嵬勸君飲勿用盃酌但當手提北斗魁挹乾
東海見蓬萊安用俛首爲低摧

小江

細靄斜陽一片秋數家茅屋小江頭艣聲遠入
菰蘆夾鳥陣斜飛蘭杜洲暫住便成閑嘯詠欲
歸更復小遲留老翁脚力猶能健明日重來倚

寺樓

歸興

輕雷輕輓斷梅初殘籜縱橫過筍餘

鄉語謂梅雨有雷爲

斷梅又謂筍出林爲過筍

飽有期程新買犢睡無厭足久捐

書白蘋滿渚閑揮榜綠樹連村獨跨驢夏日儘

長歸亦莫水邊燈火已疎疎

又

古道迢迢人跡稀羸驂欹帽遠村歸正看日暮

羊牛下又見月明烏鵲飛僧院疎鐘出林岫漁

劔南詩藁

卷之六七
五

汲古閣

家微火耿窗扉閑遊耍是幽人事草露從教溼

短衣

自春來數夢至閨中蒼溪驛五月十四日

又夢作兩絕句記之

騎驢夜到蒼溪驛正是猿啼月落時三十五年

如電掣敗牆誰護舊題詩

又

亭皇敗葉先秋賈城上驚鳥半夜啼自笑遠遊

心未已年來頻夢到蒼溪

自嘲

長日淡無事虛堂來遠風愛眠從病蹇厭事嬾
治聾猫健翻憐鼠庭荒不責童爾來添目暗又
免送歸鴻

又

身臥孤村日年當大耄時貧憂償酒叅嬾悔許
僧碑輸稅質畊犢飯醫烹伏雌勞生不類歎隨
劔南詩藁

卷之六七
六

汲古閣

事且支持

雨霽

一雨洗炎蒸危闌偶獨憑涼颼生萃蔡爽氣入
鬢鬢庭下宵遊燐盤中晝埽蠅絕勝塵土裏馬
上嚼寒冰

大雨

萬壑風聲遠千林雨脚長溝盈懸爨屋漏徙
衣囊未說豐年喜先便永夜涼清秋病小愈起

施上瀟湘

社飲

世上升沉一轉轡古來成敗幾樗蒲試看大醉

稱賢相始信常醒是鄙夫

淵明詩云一士常獨醉一夫終年醒

起

舞非無垂白伴算婦仍有髭髯扶卽今不乏丹

青手誰画三山社飲圖

采藥有感

蒹葭記霜露蟋蟀謹歲月古人于物理瑣細不

劔南詩豪

卷之六七

汲古閣

敢忽我少讀蒼雅衰眊今白髮中間嬰疾疾過
曰常卒卒澗毛春可求山藥秋可掘雖云力探
討疑義未免闕屏居朋友散輿妙誰敢發窮理
已矣夫置鱣當自罰

觀邸報感懷

六聖涵濡壽域民耄年肝膽尚輪囷難求壯士
白羽箭且岬先生烏角巾幽谷主盟猿鶴社扁
舟自適水雲身却看長劔空三歎上蔡臨淮奏

捷頻

送子適至梅市而歸

梅市長隄愴別情魯墟歸路當閑行日沉菱浦
看魚躍煙合菰葑聞獺鳴蘸水門扉初半掩擁
橋炬火已先迎停撓不奈清愁得獨倚闌干待
月明

述閑

披衣按摩罷據榻欠伸餘香煖翻心字茶凝出
劔南詩豪

卷之六七
八

汲古閣

草書客稀門每閉意悶髮重梳賴有盆山樹幽
情得少攄

幽居

謝病言歸一鹿車短籬數掩護幽居樹枝南畔
有飛鵲蓮葉東邊多戲魚倦枕續成驚斷夢斜
風吹落讀殘書興來偶曳枯筇出父老逢迎却
未疎

午暑

笛材織簾涼如水霧縠縫幙薄若空更著高安
竹根枕不妨專享北窗風

舟過道士莊

江籬芳杜滿沙汀道士莊前酒半醒上下風煙
還竟日往來魚鳥各忘形婦人薄晚常爭渡病
葉先秋亦自零興欲盡時猶小住北村漁火看
青燐

晨興

劔南詩豪

卷之六七
九

汲古閣

晨興未櫛盥扶杖竝檐立斷雲方東行庭草露
猶溼朝飢神益爽清虛自來入可憐數雞雛隨
毋啄遺粒蝶殘虬蟬喜鼠腐鷓鴣集吾當一洗
之漱泉開玉笈

對酒

斷簡殘編不策勛東臯猶得肆微勤榮枯一枕
春來夢聚散千山雨後雲煙水幸堪供眼界世
緣何得累心君床頭小瓮今朝熟撥置閑愁且

一欣

泛舟

水長芳洲沒風生釣艇橫
偶尋東埭去却作北村行
宿鳥昏方定流螢雨更明
歸來未覺晚傳漏下重城

地僻

地僻臨湍瀨門幽長綠苔
客書疑誤達僧刺媿
虛來清露蘋花坼斜陽
燕子回自憐猶有恨佳
劔南詩橐

卷之六七
十

汲古閣

日對空巖

東軒

終日在東廂閑消百刻香
一杯分黑白雙硯列
朱黃荷氣侵簾馥桐陰
覆井涼前知今夕夢孤
榜上瀟湘

季夏雜興

蟻鬪知將雨蟲鳴覺近秋
衰翁非愛酒無計奈

孤愁

又

嶢嶢瘦驢嶺莽老牛坡嶺在施黔間
坡在汝州四海均

羈旅何人感此詩

又

熟睡一炊頃清談數刻間未言能近道要得暫
身閑

又

疏泉澆藥攏枕石聽松風此樂慙專享無因與

劔南詩藁

卷之六七
十一

汲古閣

客同

夏夜暑毒不少解起坐庭中

窗間有螢過枕上見星流欲睡不堪熱長歌起
飯牛

又

風從高樹下蟲抱短莎鳴小據胡床坐還扶拄
杖行

素飯

放翁年來不肉食盤箸未免猶豪奢松桂輒炊
玉粒飯醯醬自調銀色茄時招林下二三子氣
壓城中千百家緩步橫摩五經笥風爐更試茶

山茶

會樂道近
餽茶山茶

老態自遣

似見不見目愈衰欲墮不墮齒更危誰令汝年
八九十常欲強健寧非癡目昏大字亦可讀齒
搖猶能決濡肉若知用短百無憂此理正如夔
劔南詩豪

卷之六七
十一

汲古閣

一足矇矓駢碗俱有味笑侮莫聽傍人喙但令
孫曾能力畊一飽不妨還美睡

耒陽令曾君寄禾譜農器譜二書求詩

歐陽公譜西都花蔡公亦記北苑茶農功最大
置不錄如棄六藝崇百家曾侯奮筆譜多稼儋
州讀罷深咨嗟一篇秧馬傳海內農器名數方
萌芽令君繼之筆何健古今一一辨等差我今
八十婦抱耒兩編入手喜莫涯神農之學未可

廢坐使末俗慙浮華

雨夜

羸軀對影愴餘齡
追念平時只自驚
夏木正濃桐葉墜
秋風未起草蟲鳴
蠹魚似是三生業
汗馬難希百世名

時王師方出塞

小雨迎涼何所作
北窗

還對短燈檠

柴門

寂莫柴門不徹扃
槐花細細糝空庭
晚梅摘得

劔南詩藁

卷之六七
十三

汲古閣

鹽僕飮濁酒
沽來草塞瓶
病已廢耕拋襪
襖閑猶持釣
愛琴管經旬
莫恨無來客
交舊疎如欲
旦星

賽神

落日林間簫鼓聲
村村倒社祝西成
扶翁兒大兩髦髻
漑水渠成千耦耕
家受一廛修本業
鄉推三老主齊盟
日聞淮穎婦王化
要使新民識

太平

菖蒲

古澗生菖蒲根瘦節感密仙人教我服刀七蠲
百疾陽狂華陰市顏朱髮如漆歲久功當成壽
與天地畢

又

菖蒲古上藥結根已千年聞之安期生采服可
以仙斯人非世人兩耳長垂肩松下語未終竦
身上青天

劔南詩藁

卷之六七
十四

汲古閣

迂拙

迂拙宜歸早藥除得死遲老稀朝市夢窮足道
途詩譁世無它技忘懷自一奇故溪幽絕處惟
許白鷗知

與天夏夜

六尺筇枝膝上橫中庭岸幘聽鼉更露零金掌
漢宮曉月度銀河秦塞啣齒菖晚花香未減梧
桐病葉墮無聲關河又見新秋近屈指流年一

歎驚

夏末野興

半世天涯倦遠遊
還鄉不減旅人愁
數聲相應鳩呼雨
一片初飛葉報秋
山塲風煙僧院路
河梁燈火酒家樓
絕知雪鬢宜蓑笠
分付貂蟬與黑頭

又

漠漠川雲闔復開
天公試手挽秋回
參差小市劔南詩
藁

卷之六七
十五

汲古閣

林邊出縹緲
疎鐘雨外來
土墻飯香僕
晚餉布帘字
大賣新醅
歸舟自逐輕鷗
去不用城笳
抵死催

示子孫

茆屋惟須補漏穿
家人衣食亦隨緣
豈容一事相關白
已過傳家十二年

夜雨

藩籬處處蔓牽牛
薏苡叢深稗穗抽
只道物生

常茂遂一宵風雨又成秋

劇暑

六月暑方劇喘汗不支持逃之顧無術惟望樹
影移或謂當讀書或勸把酒卮或誇作字好蕭
然却炎曦或欲溪上釣或思竹間碁亦有出下
策買簟傾家貲赤脚蹋增米此計又絕癡我獨
謂不然願子少置息方今詔書下淮汴方出師
黃旗立轅門羽檄晝夜馳大將先擐甲三軍隨
劔南詩豪

卷之六七
十六

汲古閣

指揮行伍未盡食大將不言飢渴不先飲水驟
不先告疲吾儕獨安居茂林陰茅茨脫巾濯寒
泉臥起從其私于此尙畏熱鬼神其可欺坐客
皆謂然索紙遂成詩便覺窗几間颯颯清風吹
六月十夜風月佳甚起坐中庭有作

曼膚汗雨不勝揮夜景泠然暫解圍漱罷寒泉
甘齒頰夢回斜月入窗扉荷翻小浦孤螢度露
溼危巢倦鶴歸我亦馭風息遠適岳陽樓上醉

湘妃

古井

道傍有古井久廢無與汲鄰里共浚之寒泉稍
來集駕言欲漱濯冀遠塵土襲躊躇復棄去綆
短安能及

菴中紀事用前輩韻

埽灑一番躬瑣細蓬戶朝昏手開閉荒山斲藥
須長鑿小竈煎茶便短袂空中咄咄安用書身

劍南詩豪

卷之六七
十七

汲古閣

外悠悠固難計山僧野叟到卽畱麥飯葵羹貴
能繼久貧奴婢多散去豈有跣足并推髻負薪
長歌過此生直疑身在鴻荒世

急雨

觸熱支離老病增忽看東北片雲興疾雷載雨
輸膏澤茂樹生風洗鬱蒸采藥喜逢嶮下客說
詩曾對剡中僧坐令身在羲皇上繞坐何煩更

設水

舍東追涼

驕陽收火傘清露貯冰壺海湧四更月風生千頃蒲歌狂忘老境意豁失窮途所恨朋儕盡無人爲攬鬚

酒藥

愁憑酒破除病藉藥枝梧焦革死已久宋清今亦無幽情寄魚鳥小艇雜菰蒲海上秋風早懸知肺渴蘇

劔南詩藁

卷之六七
十八

汲古閣

六月十七日大暑殆不可過然去伏盡秋初皆不過數日作此自遣

赫日炎威豈易摧火雲壓屋正崔嵬嗜眠但喜蕪州簟畏酒不禁河朔盃人望息肩亭午過天方悔禍素秋來細思殘暑能多少夜夜常占斗柄回

急雨遽涼

急雨消殘暑曠然天地秋露螢矜熠熠風葉送

颼颼涼簟惟添睡
明河不洗愁
流年又如此
隨處怯登樓

縱遊深山隨所遇記之

行穿筓确度谿
路跨清溪一木斜
歷盡巉危到平地
壞垣欹屋兩三家

又

山徑欹危細棧通
孤村小店夕陽紅
竹郎有廟臨江際
木客無家住箐中

劔南詩藁

卷之六七
十九

汲古閣

又

道逢山客束荆薪
口眼睢盱略似人
試問村名瞠不語
割然長嘯上嶙峋

又

古寺蕭蕭不見僧
飛鼯滿屋老梟鳴
空房終夜無燈火
斷木支門睡到明

感中原舊事戲作

蜂兒園裏香塵細
燕子樓中寶瑟斜
惟有天知

太平事乞傾東海洗胡沙

小涼

羸軀一夏困沉縣不在林間卽水邊高臥已忘
浮世事小涼漸近早秋天桔槔軋軋鳴幽圃舩
艇遙遙入暮煙餘日無多那諱得逢人自笑說
明年

村居

人笑無才自笑狂槿籬竹場得深藏自從病後

劔南詩藁

卷之六七
二十一

汲古閣

辜風月未免愁中讀老莊行圃數畦秋菜長泛
溪十里晚荷香叢書坐嬾無由續且補忠州手
錄方

城東

出郭溶溶細縠波平生此地幾經過祭餘野廟
啼鳥樂酒賤村墟醉叟多亭午疎鐘離石佛歛
昏微雨泊曹娥采蓮艇子愁衣溼不爲人家惜

綠荷

初秋露坐作短歌

房星縱心星橫斗牛闌干河漢明青天露坐性
所樂不覺庭樹秋風生秋風搖落君勿悲明年
花開還滿枝人生衰謝則已矣寧復鬢髮童顏
時

池上

旋移吟榻竝池橫欲出柴門復嬾行樹罅忽明
知月上竹梢微動覺風生貧無醉日惟堅忍疾

劔南詩藁

卷之六七
二十一

汲古閣

遇涼秋亦漸平二尺燈檠元好在便思相伴聽
蛩聲

秋稼漸登識喜

門外新場滑似油早禾已慶十分收虹霓不隔
郊原雨蝟蚩爭催巷陌秋人樂風傳迎社鼓路
長水濺采蓮舟老翁自笑無它事欲隱牆東學
儂牛

野渡用前韻

十里平沙到渡頭溪山合向画圖收老僧赴供
袈黎古醉叟行歌擺耜秋斷岸煙迷耕處草孤
村雨送釣時舟龍泉不斷元無恨莫放神光上
斗牛

秋後一日風雨

炎歊數日劇蕩滌及秋初病葉風吹盡鳴蟬雨
打疎趁涼謀社酒棄潤理園蔬分喜寧無處蒲
中鱉鱉魚

劔南詩豪

卷之六七
二十二

汲古閣

感事

曾事高皇接雋遊君恩天地若爲酬
滄時已負終身媿謀已常從一笑休
在簪風塵馳廐置卽今煙雨暗畊疇
孤愁欲豁寧無地野店逢僧每小畱

久無客至戲作

瘦影支離雪鬢繁頻年老病臥孤村
雍容那有客聯騎剝啄尙無僧叩門
濁酒香浮新社瓮晚

瓜味敵故侯園茅檐蓬戶風煙晚小酌欣然對
子孫

乍涼

涼風蘇病骨搖落起詩情一病輒數日幾詩終
此生招呼丹竈客結束玉霄行預想溪橋路三
更待月明

閑趣

絕迹市朝外結廬雲水間心平詩淡泊身退夢
劔南詩橐

卷之六七
二十三

汲古閣

安閑有酒旋尋伴無門那說關桐江故不遠日
算趁潮還

溪上

溪上秋來風露清蕭然浴罷葛衣輕看雲舒卷
了窮達見月虧盈知死生老去關心惟藥裹閑
中消日付棊枰故人書札頻相問何日芒屨上
赤城

秋詞

東吳七月暑未艾川雲忽興天晝晦蔽空雨點
弩發機平地成渠屋穿背早禾玉粒自天瀉村
北村南喧地確大牲如阜酒如江相喚龍祠作
秋賽

八月暑退涼風生家家場中打稻聲穗多粒飽
三倍熟車軸壓折人肩頰常年縣符鬧如雨道
上卽今無吏行鄉閭老稚迭歌舞竈釜日饜豬
劔南詩藁

卷之六七
二十四

汲古閣

芋烹

又

蓐收功成將整駕萬頃黃雲收晚稼公私逋負
一洗空懷抱喜看兒姪姪從來婚聘不出鄉長
自東家適西舍年豐人樂我作詩朝晡夜織誰
能畫

秋思

詩人本自易悲傷何況身更憂患場烏鵲成橋

秋又到梧桐滴雨夜初涼
江南江北堠雙隻燈
暗燈明更短長安得平生會心侶
一尊相屬送年光

老學菴北窗雜書

本慕修真謝俗塵
中年蹭蹬作詩人
卽今恨養金丹晚
且向江湖把釣緡

又

偶住人間遂許時
殘骸自笑尚支持
直須消破

劔南詩藁

卷之六七
二十五

汲古閣

黃蘗盡始是浮生
結局時

又

茅色遙夜養心君
靜處工夫自策勛
正喜殘香伴幽獨
鴉鳴窗白又紛紛

又

小龍團與長鷹爪
桑苧玉川俱未知
自置風爐北窗下
勒回睡息賦新詩

又

定交魚鳥欲忘形
獨岸綸巾坐草亭
不恨囊中無赤仄
且欣案上有黃庭

又

松棚接屋得陰多
石徑生苔奈滑何
盡道疎籬宜細雨
晴時最好晒漁蓑

又

龜常曳尾豈非樂
鶴已鍛翎徒自傷
造物今知不負汝
北窗夜雨默焚香

劔南詩藁

卷之六七
二十六

汲古閣

親舊見過多見賀強健戲作此篇

偶向人間脫駭機
玉池中夜自生肥
據鞍馬援雖堪笑
強飯廉頗亦未非
道貌安能希睥盜
世緣但可付猗違
它年不死君須記
會在天津看

落暉

元微之贈老人詩云天津橋上無人識
獨倚闌干看落暉

小病兩日而愈

病骨羸然山澤臞
故應行路笑形模
記書身大似椰子
忍事癭生如瓠壺
美酒得錢猶可致
高

人折簡孰能呼不如淨埽茅氈地臥看微香起
瓦爐

秋興

脩蔓叢篁步步迷山村東下近魚陂釣埽恰值
秋風起碁罷常驚日景移病葉辭枝應有恨候
蟲吟壁故知時殘年我亦悲搖落薄算空囊又
有詩

又

劔南詩豪

卷之六七
二十七

汲古閣

八十仍當過二時加餐安寢豈前知晨梳脫髮
雖無數社瓮新醅已有期偶爲買花經廢圃時
因蹋藕下清池尚餘一事終關念安得兒孫少
別離

日用

舊好疎毛穎新知得麴生幽居無一事枕臂聽
松聲

又

春穀灌園蔬日長閑有餘何妨忍揮汗合藥施

鄉閭

又

貧知藜糝美渴愛粟漿酸食少從奴去人稀苦
屋寬

又

空舍封書篋多年飽蠹魚還家貧不死讀盡舊

藏書

劔南詩稿

卷之六七
二十八

汲古閣

漁園

春霖蠶園菑日昃閑有繒回故忍戰平合藥

